

COMMENTATIO ANATOMICA DE CORNEA

AUCTORE

**DR. CONSTANTINO GUILIELMO
V. LINDNER, CURONO.**

DORPATI, 1806.

LITERIS MICHAELIS GERHARDI GRENZII,

TYPOGRAPHI ACADEMICI.

*Cum nunc mea interfit, ut specimen qualemque proponam, non inutilem laborem me suscep-
rum esse estimavi, si ea quae de cornea dicta sunt, et
quae propria experientia edoctus sum, breviter collecta,
publico eruditorum examini subjiciam, cum praeci-
pue in celeberrimis Universitatibus occasio mihi fue-
rit morbos eae observandi, cumque in posterum se-
cundum scientiarum mearum et virium modulum
curationem eorum suscipiam.*

*Doleo caeterum, quod mihi non contigit om-
nia scripta praecipue recentiores monographias acci-
piendi; hinc etiam placidum criticorum examen
mihi sperandum esse puto.*

P r o o e m i u m.

Cornea, prima pars organi visus, quam radii lucis transeunt, ut aliae C. h. partes sic saepius mutatur, ut minime destinato praevalenti suo usui inservire possit, hinc etiam eo a tempore ubi ars medendi magis excolebatur, morbi ejus praecipuum erant objectum scrutandi, copiaque optimorum scriptorum adhibitam probat operam. In multis status ejus normalis, nempe hae tenues laminae organicae, eam formantes, investigabantur, legesque indifferetiae confirmabantur; in aliis status ejus varius morbosus, abnormis, proponebatur, methodusque medendi docebatur.

§. I.

Jam ante Galenum haec tunica oculi, cuius structuram jam Kallisthenes, amicus Aristotelis, descripsit ¹⁾), tunica corniformis ²⁾, s. cornea ³⁾ ob similitudinem ejus quoad pelluciditatem cum lamina cornea appellabatur. Ad eam autem, a connexa sclerotica opaca, magis distinguendam, nomine etiam postea corneae pellucidae transparentis ⁴⁾, sive scleroticae transparentis insigniebatur, cum in statu naturali iris conspici possit, radiisque lucis eam transeant.

§. 2.

Cornea jam grato suo splendore excellens, prius et minus sphaerae segmentum bulbi oculi ef-

1) Sprengels Geschichte der Med. T. I. p. 349.

2) Κερατοειδης.

3) Κερας, cornu. Galen. de usu part. L. X. C. 5.

4) Winslow Expos. anat. T. IV. p. 214.

ficit, siveque majori segmento, a sclerotica formato, opponitur. Superficies ejus exterior convexa, conjunctiva obducitur. Superficie iejus interiori concavae, lamina propria ad continendum humorem aqueum arctissime conjuncta est, quam primus Descemet postea P. Demour descripsit ⁵⁾). In oblivionem denique ob arctissimam conjunctionem cum cornea recentioribus venit temporibus, et forte, quia inflammatione oculi, morbum tam frequentem, corneae adnascitur, minus observata est ⁶⁾). Spatium inter ejus concavitatem, superficiemque anteriorem iridis, camera oculi anterior nominatur, atque humore aquo figuram naturalem ejus servante, repletum est. Convexitas ejus major est scleroticae, quod jam Fallopius et Fabricius ab Aquapendente observaverunt; Petit autem acutius definivit, dum eam segmentum sphaerae comparaverit, cuius diameter septem circiter linearum, aliquanto septem et dimidiae lineae, rarius ultra consistit ⁷⁾). Optime autem Jurinus dimensiones oculi proponens, radium hujus segmenti sphaerae, quod cornea representat esse = 3.3294; aximque cum humore aquo = 1.0358; refractionem ex aere rationem = 4 : 3 dicit ⁸⁾.

5) Hildebrandts Anatomie. T. III. p. 71.

6) Kieser de Anamorphosi Oculi. Goetting. 1804 p. 71. 72.

7) Zinn de oculo, p. 20.

8) Zucker de physiologia oculi humani optica. Erlang. 1799. p. 9.

§. 3.

Figura ejus multum actione muscularum quatuor rectorum vario modo nominatorum ⁹⁾ mutatur. Tendines enim eorum scleroticae affixi sunt, et in laminam externam corneae, quae continuatio eorum esse videtur, finiunt, ut Home nos docuit ¹⁰⁾, quod iam Galenus, Carolus Stephanus, Realdus Colombo, et plures anatomici, ut rem nullius dubitationis receperunt, alii autem Cafferius, Albinus, Morgagni, Zinn negavere ¹¹⁾). Actione muscularum cornea multum elastica tenditur, et circa undicimam partem diametris oblongatur. Sic etiam sphincteris palpebrarum actione eam convxiorem reddi Monro ¹²⁾ putat. Forte etiam musculum obliquum inferiorem, quid ad mutationem figurae conferre mihi videtur.

§. 4.

Substantia ejus densa, firma, elastica, tenaxque maceratione in plures laminas inter se separatas, dividit potest, quod jam veteres anatomici ut Rusus

9) Synonymik der anatomischen Nomenclatur von D. Ch. H. Th. Schreger 1803. pag. 87.

10) Reils Archiv für Physiolog.. T. III. pap. 22. T. II. p. 47. p. 50.

11) Zinn l. c. pag. 11 et 16.

12) F. L. Augustin neueste Entdeckungen etc. Dritter Jahrgang 1800. Berlin 1801. pag. 95.

Ephesus, Avincenna, Theophilus, et Vesalius autopsia edocti erant, aliique fere omnes ut Fabricius, Cafferius, Plempius, ab illis receperunt. Recentiori denique industria magis adhuc est comprobatum. Numerus laminarum est ternarius vel quaternarius ¹³⁾ quas autem tenuissimas esse ex eo satis patet, quod totius corneae crassities non $\frac{3}{12}$ lineae superat ¹⁴⁾. Crassior tamen est sclerotica. Uniuertur inter se hae laminae arctissime tela cellulosa stipata subtilissima, repleta humore aqueo, qui in recentibus corneis, digitis comprimendo, ut guttulae appareat. Nihilominus autem pelluciditati corneae, detrimentum fit, quin potius ejus pelluciditas ab humore dependeat. Spiritu vini, acidis mineralibus, aquaque fervente, coagulatur humor, et opaca cornea evadit.

§. 5.

Quoad connexionem ejus et originem, discrepaverunt olim anatomici. Multi secundum Celsum et Galenum scleroticam abire in corneam putavere, quod olim jam Fallopius in dubium vocaverat. Nicolaus Malla ¹⁵⁾ et Realdus Colombo ¹⁶⁾ continua-

13) Mauchart Corneae examen phy. anat. p. 15.

14) Mauchart l. c. p. 16.

15) Liber introductorius anatomiae. Venetiis MDXXXVI. p. 92.

16) De re anatomica libri XV. Parisiis 1562 p. 401.

tionem durae membranae cerebri eam existimant. Mauchart continuum esse scleroticae negat, cum crassitie substantia etc. sit diversa¹⁷⁾). Huic sententiae Zinn autem non adstipulatur¹⁸⁾ cum limites inter se confluant, et origo cornea non accurate possit determinari. Certe autem nunc constat corneam et sclerotica diversas esse, at firmiter connexas tunicas, cum limites inter eas immo fraque ferventi, vel spiritu vini, vel acido quodam minerali affuso, pelluciditate sua sit privata, cognoscantur¹⁹⁾). Maceratione longa et demersione in aquam fervidam a sclerotica secedit²⁰⁾). Cultro anatomico autem vix, nisi difficilime, neque cornea a sclerotica, nec cornea a conjunctiva, integre et sine laetione separari possunt. Segmentatus quasi est margo cornea margini scleroticae sic, ut directio marginum, quasi oblique abscissorum, oblique retrorsum, ab axi oculi sit secedens. Hinc limes cornea et scleroticae in interiori superficie, plus ab axi oculi remotus est quam in exteriori. Superficies interna cornea inde etiam maior externa est; et margo cornea a margine scleroticae oblique tegitur.

17) l. c. p. 7.

18) l. c. p. 16.

19) Hildebrandt Anatomie. T. III. p. 69.

20) Haller El. Phys. T. V. p. 359.

Interne margo et limes, circulares apparent et colore nigricante (*Circulus niger*) distinguntur:

Externe ellipticum repraesentat ambitum secundum Petitum, Morgagnum, et Taylorem; Haller autem, non adeo exacte ellipticum, sed ad natus circularem et ad tempora ovalem describit²¹⁾. Latiorem magis quam longiorem, et non perfecte circularem in homine et mammalibus esse Cuvier dicit²²⁾.

§. 6.

Praesentiam vasorum Haller quidem; et auctoritate Petiti negat, imo in statu inflammationis satis certe conspicuam reddi dubitat²³⁾. At tam ex analogia, tam autopsia oculo armato demonstrata sunt vasa, et non solum in continuatione conjunctivae, sed etiam in profundioribus lamellis ejus inventa sunt; ²⁴⁾ cum autem in statu sano lympham tantum vehant, minus in conspectuum veniunt. Walther in oculis inflammatis bis ea certa replevit²⁵⁾, atque Loder in museo suo celeber-

21) Grundriss der Phys. von Leveling 1800. T. II. p. 219.

22) Vergl. Anatomie, übers. von Fischer, T. II. p. 421.

23) El. Ph. T. V. p. 362.

24) Home in Reils Archiv. T. III. p. 24.

25) de venis oculi. p. 18.

rimo hujusmodi praeparatum affervat, quod evi-
dentissime praesentiam eorum, ex arteriis ciliaribus
longis anterioribus oriundorum, trunculis pluribus
iteratis divaricatis, cum ramulis vicinorum truncu-
lorum conjunctionem ineuntibus, et usque ad cen-
trum corneae procurrentium, probat. Richter
dum corneam incraspatam discinderet sanguinem
effluentem vidit ²⁶⁾, obscurationesque corneaæ
verosimile a stagnantibus humoribus in vasis origi-
dicit ²⁷⁾.

Venae forte, vorticosalium venarum sunt rami,
et in eas sanguinem revehunt.

Evanescientia denique sanguinis extravasati et
perpetua vicissitudo materie animalis eti-
am praesentiam vasorum lymphaticorum verosimi-
lem reddit, cum ea in primis in aliis partibus oculi
experientia probantur ²⁸⁾. Sperandum caete-
rum, forte in posterum in lucem protrahi, uti Mas-
cagni in cerebro, et Brugmann in periostio nunc
ea detexerunt.

§. 7.

Nervis corneam carere Haller ²⁹⁾ et omnes
fere autores affirnant, cum nullo artificio anato-

²⁶⁾ innovis com. soc. reg. T. VI. 1775.

²⁷⁾ Anfangsgründe der Wundärzneykunst, T. III. p. 118.

²⁸⁾ Sömmerring Gefäßlehre, p. 430. Reil T. IV. 3 H.
469. 473.

²⁹⁾ l. c. T. V. p. 362.

mico hucusque sint elaborati, interim autem negari terte non possunt; et jam Mauchart praesentiam eorum ex statu pathologico probat³⁰⁾. Prima ejus lamella conjunctiva, et secunda tendinum muscuorum rectorum continuatio,³¹⁾ incitabilitate gaudent³²⁾. Omnia stadia etiam inflammatio-
nis, ut in aliis partibus incitabilitate praeditis eveniunt, nobisque in ea occurruunt, et quamquam ordinarie vulnera ejus sine suppuratione coniungantur, tamen interdum post extractionem cataractae supervenit, imo sic augmentatur, ut tota interna oculi cavitas in suppurationem abeat³³⁾. Praesentia etiam vasorum, et dolor, quem aegri, dum ad extractionem cataractae cornea aperitur, sentiunt, alii autem ut Daviel³⁴⁾ negavere, nervos adesse, extra omnem dubitationis aleam ponunt.

Renaescitur ut aliae partes c. h. vulnerata,³⁵⁾ partibusque ejus recenter formatis postea pellu-

30) l. c. p. 20.

31) Home l. c. p. 22.

32) Hildebrandt l. c. T. III. p. 70. Isenflamm über Fleischen in den Beyträgen zur Zergliederungskunst. T. I. p. 291. Home l. c. p. 22.

33) Home T. III. p. 23.

34) Haller l. c. T. V. p. 362^c

35) Idem l. c. T. V. p. 363.

cidas, elasticitas, atque crassities naturalis, conciliatur³⁶⁾.

§. 8.

Ufus corneae est ad tuendam iridem, formationemque camerae anterioris oculi, repletae humore aquo, praecipue autem inservit transitui et refractioni radiorum lucis, ob ejus enim pelluciditatem, convexitatemque, magis lucis radii verius axin refringuntur, ut major eorum numerus per pupillam transire coerceatur. Quo plus ergo convexa est, eo prius radii in axin oculi incidunt, objectumque oculi in vicinio esse debet; quo planior autem est, eo plus oritur presbyopia.

§. 9.

In foetu, ratione adulti, magis crassior, ad lineam ultra planior, rugosa, minusque pellucida, et colore roseo egregie tincta deprehenditur. Lamellae ejus laxius inter se connexae aqua turgidissimae sunt hincque ultra lineam crassa, Zinnio visa est³⁷⁾. Ad dimidiam tamen illius crassitudinis partem facile redigi potuit, posteaquam repetitis vicibus digitis compressa, et ros exsudans, abstergens

36) Home l. c. p. 24.

37) I. c. p. 49.

fuerat³⁸⁾). Quo plus autem foetus ad suam pertinet maturitatem eo magis fit pellucidior, quamquam in octavo adhuc mense minus fit pellucida³⁹⁾).

In recens nata Haller eam planiorem⁴⁰⁾ minus pellucidam, rubro colore, imo flavo obscuratam, aliquoties videt⁴¹⁾.

§. 10.

Quoad sexum bulbum oculi viri majorem esse foeminae Zinn contendit⁴²⁾. Akermann contra negat, atque magis characterem individualem esse putat⁴³⁾. Mihi cornea foeminae, tenuior, planior, minus splendens, viris videtur, praecipue cum etiam aliae partes oculi foeminei sint longiores planiores, molliores, tenuiores, mitesque, in viris contra rotundiores, crassiores et fortiores⁴⁴⁾.

38) l. c. p. 19.

39) Brendel programma de Fabrica oculi in foetibus abortivis observata. Goetting. 1752.

40) T. V. p. 359.

41) Ibidem p. 360.

42) l. c. p. 2.

43) Ueber die körperliche Verschiedenheit des Mannes vom Weibe, p. 109.

44) Sömmerring Abbildungen des menschlichen Auges, p. 4.

§. II.

Individualiter splendore, convexitate, magnitudine, et crassitie distinguitur. In genere quo pallidior iridis est color, eo tenuiores sunt tunicae bulbi oculi, quo obscurior autem, eo crassiores sunt. Magni oculorum bulbi ut plurimum tenuiores habent tunicas, parvi autem crassiores ⁴⁵⁾). Splendor etiam major cornea cum obscuriori colore iridis, minor cum pallidiori, ut mihi videtur junctus est Pathematibus quoque splendor multum mutatur, vel enim iminuitur vel augetur ⁴⁶⁾.

§. I2.

Esthonis cornea ut plurimum planior, crassior, minus splendens (matter) et minor est, sic etiam totus bulbus oculi minor, uti apud Ruthenos profunde in angusta jacet orbita, cuius margines magis quadranguli ⁴⁷⁾ sunt, inter quos autem superior praecipue eminet. Palpebrae angustae sunt fissae, sive magis varietati mongolicae se approximant, imo ut minimum varietatis mongolicae considerari possunt ⁴⁸⁾. Difficilius etiam hinc quam in aliis

45) Sömmerring l. c. p. 60.

46) Reil l. c. T. V. p. 35.

47) Quod Soemm. etiam cum natura conveniens in Osteologia dicit p. 68.

48) Isenflamm Tagebuch des anatomischen Theaters der Kais. Univers. Dorpat vom Jahr 1803 und 1804. pag. 13.

nationibus morbi oculorum, saepius occurrentes, praecipue trichiasis, cataracta, operatione chirurgica sanantur, quod Professor chirurgiae Universitatis Dorpatensis Dr. Kauzmann observavit, meque certiore reddidit.

§. 13.

In Aethiope, apud majorem caeterum bulbum minorem et minus convexam esse videtur ⁴⁹⁾. Tenuior et convexior in Aethiopa alba (Kakerlakin) undecim annorum visa est ⁵⁰⁾.

§. 14.

Planior fit in senectute ⁵¹⁾ et ad causas presbyopiae senium referenda est. Elasticitatem suam amittit ⁵²⁾. Decrepitis fit rugosa ⁵³⁾ imo ad cornu aut humidam cartilaginem accedens ⁵⁴⁾. Splendor evanescit imo glauca et opaca evadit, praecipueque magnus, saepe totus circuli cornea tractus, obscuratur, quod gerontoxon s. arcus senilis nominatur,

49) Sömmerring l. c. p. 6.

50) l. c. p. 8.

51) Haller l. c. T. V. p. 359.

52) Home l. c. T. II. pag. 50.

53) Galen de usu part. L. V, C. 5.

54) Haller l. c. T. VII. p. 69.

fenibusque admodum familiaris quin constans est⁵⁵).

Intima humorem aqueum continens lamina in se ne tota plerumque facilissime separari potest ut Descemet dicit.⁵⁶).

§. 15.

In mortuo splendor evanuit, imo jam moriendo evanescit (Brechen der Augen). Obscurior etiam et planior apparet, tam ob perditam elasticitatem, turgorem vitalem, tensionemque musculorum rectorum, tam ob abolitam secretionem humoris aquei, qui etiam exfudat exhalatque⁵⁷) sicque nos cum reliquis signis de praesentia mortis certiores reddit.

§. 16.

Convexitas corneae a stagnante humore aquo dependens, in inversa proportione est cum lente crystallina animalibus, quo plus enim convexa est cornea, eo planior lens, et quo plus lens convessa, eo planior cornea invenitur.

Convexior est in animalibus irritabilioribus nyctalopibus, planior in ruminantibus sensibilioribus.

55) Seiler Anat. senis. Erlang. 1799, p. 66.

56) Kieser de anamorphosi oculi. Goetting. 1804. p. 72.

57) Haller T. V. p. 361.

Mammalia non perfecte eam habent circularem, sed magis lata quam longa est, formaque ejus à pupillae et iridis forma dependere videtur.

Simiis est planior. In lepore sclerotica fulcum efformat, sic ut margo ejus anterius et posteriorius appareat et corneae multum convexae annexa sit. Cuniculo permagna est cornea, literisque imposita maximas repreäsentat. *Hystrix cristata* maximam habet corneam fere enim dimidiam partem bulbi oculi efficit ⁵⁸⁾. *Didelphis* planam eam habet. *Ursus taxus*, intus majorem habet superficiem quam externe.

Cani familiari multum est convexa, uti lupo, cui major est superficies ejus interne quam externe ⁵⁹⁾. *Feli cato crassima* est, et perpendiculariter magis ovalis.

In solidungulis et bisulcis formam pupillae horizontaliter ovalem aemulatur, et majorem circumatum demonstrat versus nasum.

58) Blumenbach Handbuch der vergleichenden Anatomie. 1805, pag. 387.

59) In cane leporario nuper Prof. D. Kauzmann peripheriam externam corneae ciliis vestitam, atque in alio magnam partem conjunctivae quasi cartilagineam inventit. Etiam apud homines interdum, incrassatur in leucomate, et staphylomate, imo in os, cartilaginem, vel substantiam carneam mutatur.

In equo Descemet intimam humorem aqueum continentem et cornea adhaerentem membranam, primus invenit, postea autem in Bove, Ove, Suo, Cane, Lupo, Lepore, et aliis animalibus eam vidit. Apparet optime in Equo in quo sicuti in Ove tota a cornea separari potest. Acuratissime eam describit inventor ejus Descemet, et iteratae disquisitiones in dictis animalibus et in Vulpe, Cuniculo, Falcone ossifrago, et aliis volucribus a Cl. Kiefer institutae dicta Descemeti comprobant⁶⁰⁾.

In junioribus animalibus tenuior invenitur, crassescit in adultis, et in senectute tota a cornea separatur. Ejusdem est substantiae cuius capsulae lentis crystallinae. Crassities fere ea est capsulae lentis anterioris, quae posteriorem duplice saltu crassitie superat. A cornea separata simulac convolvitur. Maceratione, neque pelluciditatem, neque consistentiam amittit, aquae ebullienti imissa, elasticitatem servat. Post impressionem et contorsionem facta, pellucida remanet, sicuti cornea, aquae vero iterum imissa, summa rapiditate expanditur, quod in cornea observatur. Servata in spiritu vini non obscuratur.

In bove septem lamellas corneae Leuwenhoek invenit, et uti in homine cum sclerotica connexa est. Diameter horizontalis longior est diametro

60) I. c. p. 72.

perpendiculari ut 27 — 23⁶¹⁾). Idem fere in Cer-
vo Elapho vidi.

In Rhinocerote fibrae tenues longaeque scleroticae corneae marginem intrant. Phoca vitulina te-
nuem et mollem habet corneam, uti etiam inveni,
quae actione muscularum rectorum mutatur, ope
enim eorum oculi axin arbitrarie longiorem aut bre-
viorem reddere, sicut per aquam, aequa distincte ac
per aerem, obiecta videre potest⁶²⁾. Apud Ba-
laenam *Mysticetum* margines corneae et scleroticae
vicissim se penetrant,

§. 18.

Aves multum convexam eam possident, et post
mortem etiam pelluciditas remanet. In plerisque,
ubi cum sclerotica committitur, annulo continetur
cartilagineo aut osse, quod P. Schmid accuratius
examinavit⁶³⁾. Adsunt nempe squamae fere of-
fuae, super quas fibrae tendinosae, in tendines rec-
torum muscularum se finientes, explanatae sunt, ac-
tioneque muscularum hae squamae moventur. Ni-
tidissima est in pullo, qui ova continetur, tenuissi-
maque in *Ardea ciconia*. Primam ejus membra-

61) Cuvier I. c. p. 421.

62) Blumenbach *Naturgeschichte*, 1803, p. 125.

63) Reils Archiv, T. II, h. II. p. 204.

nam humorem aqueum continentem Descemeti, Kiefer in Falcone Ossifrago et aliis volucribus invenit.

§. 19.

Teſtudo imbricata corneam tenuem et magnitudinis lentis habet⁶³⁾.

Teſtudinis mydas cornea firmiter conjunctivae adhaeret. Crassities eſt monetae, solidi (Sols). Peripheria non tota eſt ſphaerica; fed in anteriori et posteriori latere paululum plana.

Ex octo etiam partibus conſtituta eſt, quae futuris in concava parte tantum conſpicuiſ, conneſſae ſunt. Peripheria ferrata, interne nigra tenui membrana coloris punicei nigri obducta eſt⁶⁴⁾.

In rana eſculenta tenuem pellucidam, et planiorem quam in avibus, convexiorem autem quam in pifcibus, lentem contra planiorem pifcium, inveni.

§. 20.

Pifcibus, ex tribus conſtant laminis, ob paucum humorem aqueum valde complanata eſt nec plane circularem habet figuram. Nonnulli

64) J. G. Schneider allgemeine Naturgeschichte der Schildkröten, 1803 p. 30.

65) I. c. p. 31.

autem praecipue *Gadus Lota* convexam eam pos-
fident, distincteque limites inter eam et scleroti-
cam in *Squalo galeo* apparent, Cornea magis
flavam, scleroticam contra albam, cellulosa sti-
pata, verosimile continuatio conjunctivae, jun-
git. *Cobitis Anableps cornea* uniuscuiusque ocu-
li ex duabus constat haemispheriis transverse di-
visis, superiori maiori, interiori minori ⁶⁶⁾). In
Siluro glani tenuem et valde planam inveni.

§. 21.

*Insectorum cornea dura et squamosa, locum
lentis crystallinæ occupare videtur. Ex innumeris
constat facieculis plerumque hexagonis, in Cancris
quadratis s. rhomboidalibus, in Locustis quadratis,
vel ovalibus, in Libellulis octogenis, quae interiori
latere colorata tunica mucosa et retina obductae
sunt ⁶⁷⁾ at sedulo purgatae transparentes et pelluci-
dae apparent ⁶⁸⁾.*

*Muscae cornea in hexagona aequalia divisa
est, sub qua lamina mucosa colorata jacet. In can-
cro cornea pellucida obscuratur subjacente tunica
colorata expansa in ganglion nervi optici.*

66) Seba rer. natural. thesaur. Amst. 1734 — 1765. T. III.
Tab. 34. p. 108. Treviranus Biologie. 1802. Tom. I.
pag. 298.

67) Treviranus l. c. p. 358.

68) Lehmann de sensib. extern. infect. etc. Götting. p. 8.

Apis cornea colorata, fibris in hexagona di-
visa est, teste Swamerdamio.

§. 22.

In Sepia officinali sub conjunctiva jacet sicca
tenuis et pellucida tunica, quae scleroticam obdu-
cit, cujusque anterior pars corneam repreäsentat.
